



火雞

我細漢蹓庄跤，庄跤人加減有飼精牲仔，雞、鴨佻鵝肉 pōo-pîn 食有著，獨獨火雞肉毋捌空過喙空。會記得厝邊兜一个伯仔飼一陣火雞，火雞飼大隻了後，全部欲褪(thng)人趁所費，厝內大細隨人吞瀾，一疔仔都無通孝孤，「燒瓷的食缺，織蓆的睏椅」，看有食無干焦癩。

飼火雞有一項特別的好處——佢真勢鬥顧厝。火雞出名歹性地，鼻目喙仔惡確確(khiak)，日時逐阮遮的走拋拋的猴囡仔，暗時趕遐的賴賴趨的賊仔脯。便若看著礙目的就直直瀟倚來，頷頸伸長長，喙尾一條歪膏擲斜的肉垂(sê)蕩蕩幌，發出「咕囉咕囉咕囉、咕囉咕囉咕囉」的叫聲來嚇(hánn)人。佇彼當陣，咬咬叫的刺查某，攞會予庄頭的人號做「火雞母」！電影「食神」內底的女主角「雙刀火雞」面有一疔(khî)，瞪力的時陣雄蓋蓋(kài)，閣會吐舌攪柄(lā)，規个市仔無人敢惹伊！人孔雀開屏比嬌靚，這火雞毛聳聳聳(tshàng)，佻膨肚刺鯁全款，是咧展威喝(hat)人，欲共對方壓落底，連歹衝衝(tshìng)的鵝鵝嘛無伊法。

火雞性地稔，毋過火雞肉是啗(siánn)人的好物！美國人慶祝感恩節的時陣，飯桌頂攞會攢一隻烘甲金滑的火雞。這號「一懸三低」的優良白肉，營養師呵佬講卵白質真懸，膩瓢油、膽固醇佻熱量攞真低。臺灣人飼火雞的歷史超過一世紀，這馬大部份飼佇雲嘉南地區。東森新聞捌報過偏名『Turkey』的「臺灣火雞王」——顏建男先生，伊的雞場全國上大，佇臺南的龜港，一冬飼五萬外隻白色毛草的火雞，產值破億。尾仔蹠落去開店賣火雞肉飯，開發「火雞肉拊」、「火雞煙腸」佻「火雞貢丸」，頭殼發珠真精光！顏董的講四、五個月大的火雞當好食，袂傷韌，袂傷莛(tsínn)，臨(lím)8隻土雞仔的重量，量其約30斤，雞腿參人的手股頭平仔粗，肉濟甲予咱食迴海。

嘉義雞肉飯「頂港有名聲，下港有出名」，飯頂面的火雞肉用指頭仔絲予一條仔一條，肉汁的甘津鎖牢牢。一碗燒沸沸(hut)的白飯，鋪幾條仔火雞肉，蔥仔酥佻肉湯淋落去，芳貢貢閣貢貢芳，逐家喙飽目暘枵，食甲毋知通飢(ui)！現代人有食福，賣雞肉飯的店頭空倒街，臺灣頭開甲臺灣尾，人客愈食愈繼喙，幸福的滋味滿滿是！

作者：黃文達

☆詞彙學習☆

【pōo-pîn】：平常。

【褪人】thng--lâng：轉讓。

【瀟】tshînn：衝擠、撲上的意思。

【疔】：khî：疤痕、傷疤、胎記。

【啗人】：siánn--lâng，誘人。

【飢】：ui：東西吃太多而感到厭膩。

☆文法學習☆

【一條仔一條】：以「仔」字串接兩個疊詞，合成更有力道的重疊副詞。像這樣的構詞方式，生活中常見的還有「隨个仔隨个」、「酸微仔酸微」、「涼冷仔涼冷」等等。